



Prosiect Ein Tirlun Darluniadwy
Cofnodion Cyfarfod y Grŵp Llywio,
Caffi Wylfa, Castle Road
Y Waun, Wrecsam.

Dydd Mawrth, 23 Ionawr 2024 10am tan 12 canol dydd.

Aelodau yn Bresennol

David Shiel (DS), Hannah Marubbi (HM) Jillian Howe (JH), Sallyanne Hall (SH), Mike Bather (MB), Howard Sutcliffe (HS), Huw Rees (HR), Ffion Roberts (FR), Fiona Gale (FG) John Roberts (JR).

Ymddiheuriadau

Lynne Jones (LJ), Nicola Lewis-Smith (NLS), Rhun Jones (RJ) Paul Evans (PE), Del Roberts Jones (DRJ), Fiona Grant (FGr),

1. Croeso ac Ymddiheuriadau	Croesawyd pawb i'r cyfarfod a nodwyd yr ymddiheuriadau.	Camau Gweithredu
2. Cofnodion y cyfarfod diwethaf	Cysylltu ag Ian Hughes, Cyfoeth Naturiol Cymru ynglŷn â chynrychiolydd yn lle Alun Price. Rhoddodd MB y wybodaeth ddiweddaraf i'r grŵp ar brosiect creu celf a ariannwyd gyda £250,000 SPF ynghyd â Safle Treftadaeth y Byd a gyflawnir erbyn Hydref 2024. Bydd cyfarfod ymgynghori yn cael ei gynnal ym Masn Trefor ar 7 / 8 Chwefror i gyfarfod Claire sy'n rheoli'r prosiect a bydd yn dymuno trafod ymgysylltu â'r gymuned, ysgolion, partneriaid a chysylltiadau â gwaith a fydd yn cyfannu ac yn ychwanegu at y gwaith a gyflawnwyd eisoes gan OPL. OPL i anfon ein strategaeth ddehongli i'r prosiect ac i rannu manylion yr ymgynghoriad gydag Emma Jayne Holmes.	HS/DS Ein Tirlun Darluniadwy

	<p>Dim newid ar unrhyw newyddion am gyllid pellach ar gyfer cwblhau'r cwt Lengtsmans yn Froncysyllte.</p> <p>Roedd trafodaethau a gafwyd ar gyfer cofnodion y cyfarfod diwethaf wedi eu cofnodi yn 3. Cofrestr Risg o dan destunau penodol.</p>	
<p>3. Cofrestr Risg y Prosiect</p>	<p><u>Porthdy Dinas Brân</u> Bydd gwaith atgyweirio'r llwybr i fyny at y porthdy ar yr ochr panorama yn dechrau yn y gwanwyn pan fydd y tywydd wedi gwella.</p> <p><u>Dehongliad</u> Dal i aros am 4 o'r paneli hyn i'w cwblhau a'u gosod ar safle Rhaeadr y Bedol.</p> <p><u>Llyfr Etifeddiaeth y Prosiect</u> Cafodd llyfr Ein Tirlun Darluniadwy ei lansio cyn y Nadolig yn Llyfrgell Llangollen. Roedd 1030 o gopiau wedi eu hargraffu, 200 copi wedi eu gwerthu hyd yma drwy TIC Llangollen, yr amgueddfa yn Llangollen, TIC Wrecsam a siop Loggerheads. Ym mis Mawrth, bydd canolfan ymwelwyr Basn Trefor a Phlas Newydd yn gwerthu'r llyfr pan fyddant yn agor. Mae llyfrau yn cael eu gwerthu i gyflenwyr gyda phris adwerthu a argymhellwyd. Dim cynlluniau i ailargraffu ar hyn o bryd.</p> <p><u>Adeilad y Pwmp Gwasgu</u> Mae gwaith yn parhau ar adeilad y pwmp gwasg ym Mhlas Newydd ac mae'r contractwr angen gorffen y to. Bydd y daith yn ddibynnol ar y tywydd. Mae'r gwaith haearn yn cael ei osod ar yr adeilad yr wythnos hon. Roedd gan Lisette y garddiwr gynlluniau i ddechrau ar ardd y gors yn y 3 mis nesaf ar ôl i'r adeilad gael ei gwblhau.</p> <p><u>Rheoli Panorama</u> Roedd yn rhaid ail-wneud arwyddion panorama oherwydd gwall bach. Roedd Cyfoeth Naturiol Cymru wedi codi rhai cwestiynau pellach ynglŷn â gosod yr arwyddion mewn ardal ACA, roedd y tîm yn gobeithio y byddai'r rhain yn cael eu goresgyn ac y bydd yr arwyddion yn cael eu gosod yn fuan. Y gobaith yw y bydd yr arwyddion hyn yn annog pobl i beidio parcio yn ddiotal gan ddifrodi'r tir mewn 4 ardal allweddol a chodi ymwybyddiaeth am statws yr ardal. Roedd taith gerdded bioamrywiaeth yn cael ei threfnu yma ar gyfer mis Mai ac ymhellach i'r haf.</p> <p><u>Parc Piced Wenffrwd</u> Mae llwybr cysylltu Wenffrwd i'r gamlas bellach wedi'i gwblhau ac mae wedi derbyn ymateb ac adborth da. Mae dewisiadau ar gyfer costau gwaith pellach ar y safle y tu hwnt i gwmpas y prosiect Ein Tirlun Darluniadwy wedi'i wneud. Bydd yr ardal ble mae'r cyfansawdd yn cael ei ddatblygu, ei dacluso a'i wneud yn ardal weithredol gyda ffens well. Bydd y gwaith gyda'r effaith fwyaf yn cael ei wneud gyntaf oherwydd y cyfyngiadau ariannol. Bydd grwpiau</p>	

	<p>cymunedol a gwirfoddolwyr yn gallu defnyddio'r manau ar gyfer gweithgareddau. Bydd tariffau parcio yn dechrau cyn y Pasg.</p> <p><u>Llwybrau Cylchol Darluniadwy</u> Mae taflen taith gerdded <i>Cefn Mawr</i> nawr wedi'i chwblhau. Bydd gwelliannau yn cael eu gwneud i rai o'r llwybrau ar hyd y llwybr hwn drwy ddefnyddio'r Gronfa Ffyniant Bro. Bydd y daflen yn cael ei dosbarthu ar gyfer agoriad Basn Trefor ac ar gyfer lansio'r daith ym mis Mawrth gyda'r tîm ceidwaid AHNE. Roedd MB yn awgrymu cael arwyddion ar y panel dehongli ar gyfer safle JC Edwards i hysbysu pobl am y daith, cyfle i hybu'r daith. Cafwyd trafodaeth ynglŷn â sut i hyrwyddo'r llwybrau yn y safleoedd hyn.</p> <p><i>Cynhaliwyd Taith Y Waun</i> ym mis Rhagfyr ac roedd pawb oedd yn bresennol wedi mwynhau er gwaethaf y glaw.</p> <p><i>Darganfod Llwybrau Dyffryn Dyfrdwy</i>, sef hen lyfryn Darganfod Corwen. Roedd JH yn ailddylunio hwn ac yn aros i fapiau gael eu dylunio ar hyn o bryd. Roedd y tîm wedi bod yn gwirio rhai o'r llwybrau fydd yn cael eu defnyddio i sicrhau eu bod yn addas ac yn hygyrch a holl seilwaith ac arwyddion yn eu lle. Roedd gan Reilffordd Llangollen ddiddordeb mewn cyllido arwyddion i'w defnyddio yn Rheilffordd Corwen.</p> <p>Gofynnodd y Cadeirydd a fyddai'n bosibl i'r holl aelodau dderbyn set cyflawn o'r holl daflenni teithiau cerdded yn y cyfarfod nesaf. Gofynnodd y Cadeirydd i'r tîm wahodd Crwydro Wrecsam ac aelodau lleol yr ardal ar gyfer lansio'r daith gerdded ym mis Mawrth.</p> <p><u>Y Bws Darluniadwy</u> Roedd y gwasanaeth yn profi'n boblogaidd iawn a bydd yn rhedeg eto y flwyddyn nesaf o 30 Mawrth tan 31 Awst. Bydd y system ffioedd yn newid eleni, gan y byddwch yn gallu talu ble byddwch ond yn talu am eich siwrnai.</p> <p><u>Pecynnau Addysg</u> Mae trafodaethau yn cael eu cynnal gyda Muddy Publishing yn cynnwys rhai o'r cymeriadau/delweddau ar y wefan Safle Treftadaeth y Byd ym mhecynnau addysg Ein Tirlun Darluniadwy a chostau defnyddio'r rhain.</p> <p>SH - pecyn dawnys nawr wedi'i gwblhau ac wedi'i gysylltu â'r cwricwlwm newydd gyda JH yn gweithio ar y brandio a chreu 'power point' newydd ar gyfer rhai o'r gweithgareddau.</p> <p>Bydd y pecynnau addysg AHNE Bryniau Clwyd yn cael eu cysylltu â'r gwaith hwn ar Dyffryn Dyfrdwy yn y pen draw. Bydd cyfarfod ar 17 Mawrth yn edrych ar yr adnoddau craidd ar y porthol.</p> <p><u>Yr Arddangosfa Derfynol</u> Bydd Amgueddfa Llangollen yn arddangos rhywfaint o arddangosfa Ein Tirlun Darluniadwy o ddiwedd Ionawr ac mae Capel Ebenezer yng Nghefn Mawr wedi dangos diddordeb yn yr arddangosfa ar gyfer y gwanwyn / haf.</p> <p>Mae HM yn cynnal trafodaeth gyda'r Eisteddfod Ryngwladol i gynnwys rhywfaint o'r arddangosfa yn ystod wythnos yr Eisteddfod. Bydd y paneli myriorama llawn yn cael eu harddangos mewn arddangosfa yn Aberystwyth o Chwefror i Mai.</p>	<p>Tîm Ein Tirlun Darlun</p> <p>HS</p>
--	---	--

	<p>Dywedodd HS fod gan Cadwyn Clwyd le yn eu hadeilad ar gyfer yr arddangosfa a fyddai'n galluogi iddi gael ei harddangos yng Nghorwen. HS i archwilio gyda Cadwyn Clwyd.</p> <p><u>Staffio Ein Tirlun Darluniadwy</u> Roedd staffio wedi'i nodi yn oren ar y gofrestr gan fod gan y prosiect o dan flwyddyn i redeg nes bydd yn gorffen.</p>	
4. Dogfennau Diwedd Prosiect.	<p>Bydd yr adroddiad gwerthuso manwl terfynol ar gyfer y prosiect yn cael ei lunio gan Twenty Degrees Consulting ar gyfer y Loteri erbyn Medi. Bydd HM yn cyfarfod gyda nhw yr wythnos hon i drafod yr amserlen ar gyfer adroddiad drafft fel y gall y tîm lunio ystadegau. Bydd dogfen lai gydag ystadegau allweddol ac uchafbwyntiau sy'n nodi'r llwyddiannau yn y prif adroddiad mewn fformat ffeithlun hefyd yn cael ei llunio. Cafodd y grŵp drafodaeth ynglŷn â'r math o adroddiad a'i ddefnydd.</p> <p>Bydd y cynllun cynnal a chadw yn mapio'r cynlluniau prosiect ar gyfer y 10 mlynedd nesaf ar gyfer gwaith cynnal a chadw a gwblhawyd yn ystod y 6 blynedd diwethaf. Bydd y cynllun hwn yn datgloi gwerth £50k o gyllid ar gyfer y cynnal a chadw.</p> <p>Roedd DS yn mynegi diddordeb mewn mynd â'r strategaeth ymadael i'r partneriaid i ddangos beth oedd y prosiect wedi'i gyflawni yn ystod y 6 blynedd diwethaf. Gallai'r cyfarfod bwrdd Safle Treftadaeth y Byd ar 12 Ebrill fod y cyfarfod cyntaf ble gallai cynllun cynnal a chadw a llwyddiannau Ein Tirlun Darluniadwy gael ei adolygu a chodi'r cwestiwn am ddyfodol y gwaith o fewn Safle Treftadaeth y Byd.</p>	
6. Unrhyw Fater Arall	<p><u>Y Wybodaeth Ddiweddaraf am Raeadr Y Bedol</u> Mae'r maes parcio yn y safle hwn ynghau ar hyn o bryd gan fod gwaith gosod tanc septig yn cael ei gynnal hyd at ddiwedd Chwefror. Mae'r gwaith hwn yn cynnwys manau parcio ychwanegol a gwella tu blaen y bloc toiledau. Bydd y pwyntiau mynediad yn newid gyda chyswllt gwell o'r maes parcio i'r eglwys yn Llantysilio. Bydd y rhwystr uchder yn cael ei osod yn ystod mis Mawrth. Y tu allan i'r man parcio, bydd yna bwynt parcio bws mini / gollwng yn cael ei greu ar gyfer y gymuned canwio.</p> <p>Bydd y gwasanaeth Bws Darluniadwy eleni yn cynnwys gwasanaeth tapio a all helpu pobl i allu cael mynediad i safle Rhaeadr y Bedol ac mae Rheilffordd Llangollen yn trafod y dewis o gael gwasanaeth gwennol ar gyfer trê'n o Langollen i'r Berwyn.</p> <p>Cynhaliodd y grŵp drafodaeth gyffredinol ynglŷn â pharcio o amgylch y prif safleoedd poblogaidd o fewn Dyffryn Dyfrdwy.</p>	
7. Dyddiad y Cyfarfod Nesaf	Cynhelir y cyfarfod nesaf ddydd Mawrth, 30 Ebrill yng Nghanolfan Gymunedol Froncysyllte.	